

საქართველოს მთავრობის

დადგენილება №95

2018 წლის 21 თებერვალი

ქ. თბილისი

„თანამდებობის პირის ქონებრივი მდგომარეობის დეკლარაციის წარდგენის წესისა და იმ თანამდებობის პირთა თანამდებობრივი რეესტრის დამტკიცების შესახებ, რომელთათვისაც სავალდებულოა ქონებრივი მდგომარეობის დეკლარაციის შევსება“ საქართველოს მთავრობის 2014 წლის 12 თებერვლის №139 დადგენილებაში ცვლილების შეტანის თაობაზე

მუხლი 1

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „თანამდებობის პირის ქონებრივი მდგომარეობის დეკლარაციის წარდგენის წესისა და იმ თანამდებობის პირთა თანამდებობრივი რეესტრის დამტკიცების შესახებ, რომელთათვისაც სავალდებულოა ქონებრივი მდგომარეობის დეკლარაციის შევსება“ საქართველოს მთავრობის 2014 წლის 12 თებერვლის №139 დადგენილებაში (www.matsne.gov.ge, 13/02/2014, 010320050.10.003.017758) შეტანილ იქნეს ცვლილება და დადგენილებით დამტკიცებული დანართის (იმ თანამდებობის პირთა თანამდებობრივი რეესტრი, რომელთათვისაც სავალდებულოა თანამდებობის პირის ქონებრივი მდგომარეობის დეკლარაციის შევსება):

1. მე-9 მუხლი ჩამოყალიბდეს შემდეგი რედაქციით:

„მუხლი 9. საქართველოს კულტურისა და სპორტის სამინისტროში

1. პირველადი სტრუქტურული ერთეულის ხელმძღვანელი:

ა) მინისტრის აპარატის უფროსი;

ბ) კულტურული მემკვიდრეობის დეპარტამენტის დირექტორი;

გ) ხელოვნების დეპარტამენტის დირექტორი, მოადგილე;

დ) სპორტის დეპარტამენტის დირექტორი, მოადგილე;

ე) განათლების სამსახურის უფროსი;

ვ) სტრატეგიული დაგეგმვისა და მონიტორინგის სამსახურის უფროსი;

ზ) საერთაშორისო ურთიერთობების დეპარტამენტის დირექტორი, მოადგილე;

თ) იურიდიული დეპარტამენტის დირექტორი, მოადგილე;

ი) ფინანსური რესურსების მართვის დეპარტამენტის დირექტორი, მოადგილე;

კ) ადმინისტრაციული დეპარტამენტის დირექტორი;

ლ) შიდა აუდიტისა და მონიტორინგის დეპარტამენტის დირექტორი, მოადგილე.

2. მეორადი სტრუქტურული ერთეულის ხელმძღვანელი – სამმართველოს უფროსი.“.

2. მე-10 მუხლი ამოღებულ იქნეს.

მუხლი 2

დადგენილება ამოქმედდეს 2018 წლის 1 მარტიდან.



